

Գ Լ Ո Ւ Խ Լ .

Հակառակութիւն Վրաց : Որմն Ս . Յակոբայ : Հարկահանք Եղիպատի :
Դանտոյանք Ս . Յարութեան : Ծրանշակեան կրօնաւորք : Վանք
Ս . Փրկել :

Ի ԴԱԴԱՐԻԼ տակաւ ինչ քաղաքական պատերազմաց , նորոգեցաւ կրօնական պատերազմն , և յայն յաւէտ յեկեղեցականս : Հայք քանիցս անգամ իջին յեղիպատոս և ելին յատեանս Սուլթանաց 'ի պաշտպանութիւն հայրենի սեփականութեան իւրեանց , որպէս գրեցաք 'ի վեր անդր . սյլ ոչ կարացին զերծանիլ 'ի հակառակութենէ ազգին Վրաց , զի հանապազ կազէին և կռուէին , և հարստահարէին իսկ զՀայս 'ի տաճարին Ս . Յարութեան . լինէին առիթ մեծամեծ վնասուց և տուգանաց , որպէս յայտ առնեն յետագայ բանք հրովարտակին , տուեալ 'ի Մէլիք Մէհեմմէտ զոր տուեալ են Հայք 'ի նպատ նեղութեան իւրեանց , յորում յետ վերնագրոյն , ասէ . Մատոյց գիր աղաչանաց առ բարձրագոյն ատեանն մեր Սարգիս վարդապետն Հայոց , որ ինքն բնակի յերուսաղէմ 'ի տաճարին Ս . Յարութեան . և ազգն Վրաց ըննացեալ 'ի վերայ նորա տուեալ են նեղութիւնս եւ վնասս : Եւ ապա պատուիրէ գործակալաց իւրոց թողուլ զազգն Հայոց 'ի նախնական վիճակի և 'ի սովորութեան իւրեանց , որպէս էինն 'ի ժամանակին , յորում տիրեցին քաղաքին սրբոյ և գերեցին . արգելուլ զտարապարտ նեղութիւնս եւ զանտեղի հակառակութիւնս միմեանց , և մնալ տեղին այն 'ի ձեռս Հայոց յերուսաղէմ 'ի տաճարին Ս . Յարութեան ըստ առաջին սովորութեան , առանց այլայլելոյ և նուազելոյ զիրաւունս նոցա , ըստ արամադրութեան հրովարտակաց առաջին թագաւորաց , տուեալ նոցա : Եւ այժմ բարւոք 'ի միտ առեալ զիմաստ հրովարտակիս , զոր ետու իբրեւ վճիռ գործադրելի , մի արասցեն հակառակ ինչ փոփոխութիւն առանց օրինաւոր մուրհակի . և ամենայն ոք հնազանդեացի հրամանիս : Ի ՎՃ Ծափան ամսոյ ՎՃԾ (1334) :